



大六壬通解

叶飘然大六壬讲义

六壬与遁甲、太乙，世谓之三式，而六壬其传尤古。大抵数根于五行，而五行始于水，举阴以起阳，故称壬；举成以该生，故曰六。其法有天地盘与神将相临，虽渐近奇遁九宫之式，然大旨原本羲爻。盖亦易象之支流，推而衍之者矣。



中



大六壬通解

叶飘然大六壬讲义

叶飘然◎著



六壬与遁甲、太乙，世谓之三式，而六壬其传尤古。大抵数根于五行，而五行始于水，举阴以起阳，故称壬；举成以该生，故曰六。其法有天地盘与神将相临，虽渐近奇遁九宫之式，然大旨原本羲爻。盖亦易象之支流，推而衍之者矣。



责任编辑：李成志 薛 治

责任印制：刘苗苗

图书在版编目(CIP)数据

大六壬通解/叶飘然著. —北京:华龄出版社,2011. 1

ISBN 978-7-80178-791-0

I. ①大… II. ①叶… III. ①占卜—研究—中国 IV. B992.2

中国版本图书馆 CIP 数据核字(2010)第 242545 号

书 名：大六壬通解——叶飘然大六壬讲义

作 者：叶飘然

出版发行：华龄出版社

印 刷：九洲财鑫印刷有限公司

版 次：2011 年 1 月第 1 版 2011 年 1 月第 1 次印刷

开 本：787×1092 1/16

印 张：72.75

字 数：1268 千字

印 数：1~4000 册

定 价：168.00 元(全三册)

地 址：北京市西城区鼓楼西大街 41 号 邮 编：100009

电 话：(010) 84044445

传 真：84039173

戌未为阳传阴，欲在外思归。丑加辰为破游，戌加未为衰游，返吟四季为复游。传值墓神煞害，主冤家逼迫。传值合龙戏驿，主万里奋飞。斩关并为绝迹，课如范蠡、张良归山来迹。淫泆并，因阴私欲逃。天寇并，因为盗欲逃。行年并，主身欲逃故。来问，五墓四煞并，神将凶，主事遭破败。^①

《观月经》

何类名游子，五坟稼穡同。三传皆四季，恶事亦相攻。^② 病者应难愈，逃走与西东。^③ 破财三年内，官灾在岁中。三传如有救，反祸却为通。^④

《心镜》

三传四季有六丁，不然天马又相并。占身欲出名游子，逃者天涯地角停。^⑤ 中见天魁为天马，未于大吉利斯成。若值墓神并杀害，恐有冤家来逼刑。^⑥

《袖中金》

三传俱季名曰游子。若旬中六丁与天马上卦者，主其人若不远行必欲逃亡，占捕盗难获。

《指窍》

四季相传丑辰未戌，春曰稼穡，而生长以时；夏曰游子，而漂流不定；秋曰地角，据一隅而亡天下；冬曰五墓，舍朝市而守丘虚。逆传四季丑戌未辰，春占越库，散财不以其道；夏占传魁，委用不得其人；秋占杀墓，势将兴而将起；冬占伏阴，机渐收而渐藏。四季为稼穡，辰为五阳之促^⑦，戌为五阴之促^⑧，名为老阳老阴，病者气短，占物价高。辰戌无贵人见之者凶。辰罡戌魁，经魁经罡，压宅宅凶，压人人困。故曰“斗柄知时节，人间日履新。”辰为更新，戌为故旧，舅伯之亲，占病气满肠脾，小口灾，欲浮肿，以日鬼言之。四季为墓，占讼不动。独辰戌对冲，占事则紧。丑未贵常本家，占之者主兄弟和气不足，田园改拓亦是，倚势作威之象。壬癸日皆主不好，癸未

① 此课动摇不定之象，大端凶。若值三奇六仪，神将吉，六处冲克救神，可化凶为吉，主行人遂意也。

② 土为三传，名游子卦，主恶事起。

③ 主病疾连绵、人离。

④ 或传奇仪为救神，遇吉神亦救吉。

⑤ 三传四季，更有六丁天马者，天涯地角卦也。

⑥ 用神今日之墓与杀并者，即为五坟四杀卦也。

⑦ 《易》为夬卦。

⑧ 《易》为剥卦。

则为乘轩落马，躔日月宿为天地烦，宜详之。

《指窍》

四仲顺加子午卯酉，春占关隔，若羝羊之触藩；夏占关阨，似游鱼之舌饵；秋占四平，日逢弦望晦朔，名曰三光不仁；冬占历阳，时遇日月辰戌，号曰四门皆闭。四仲逆传子酉午卯，春占陷阱，如鸟投笼；夏占正烦，若牛受刃；秋曰失友，状若散离而复合；冬月出渐，名曰阴极而阳生。

三交有天马为华盖乘轩，又为四正。有正禄则为四正，无正禄则为四散。三交主三四人交往。天马为出行，四正得青龙朱雀吉神之类，主士人赴试得解沐浴。四散是五行无气，主妇人败血小产。酉加午、午加卯之类。或占妇人病，若遇死气，如午加酉之类。大抵午酉为自刑，午为少阴，酉纯阴，纯阴为老阴也。酉为妻，乘生旺之气。酉为婢为尼并尼为妻，无生旺之气。酉加子见玄武乘生旺气，多婢生子。午酉为血疾，又为丑恶脓血，看今日鬼言之，带鬼多为疲恶丑恶也。见血气青龙带禄马财喜，酉为酒，青龙为酒色故也。子午为道路神，子午日得之，定言道路之事。卯酉为分气则异，异则争，卯酉日得之，定言分争之事，卯为外门，春分之气在卯，得之者是春有发生之气。酉为内门，秋分之气在酉，得之者言杀气，秋有肃杀之气。生气吉杀气凶。

《曾门》

三交之因，家匿罪人，谓从魁、太冲、六合、太阴并加日辰为用，曰三交，又四仲复加四仲，三传俱得四仲亦为三交也。

《定章》曰：太冲、从魁、六合、太阴皆为门户，蔽匿万物，谓太冲、从魁、太阴、六合并加日辰为用神者，为三交卦，以此占人家匿罪人。

如乙巳日酉加巳将，得六合亦曰三交课。

如丁酉，午加酉，上克下发用，传见太冲，终于神后，为三传四仲，亦匿罪人，门户出入，公私所由。太阴为私蔽，六合为私门，蔽匿罪人。卯酉之位，日月所从出入。子午之位，阴阳所起，或明或暗，或公或私，三传四仲，出入微密，亦匿罪人。欲知何人，以终传决之。见白虎杀人，见玄武盗贼、勾陈斗伤、朱雀讼事、天后淫泆、太阴奸私准此。

更值魁罡勾陈，以至有不可形容之事。

甲申、乙酉^①，丙子、丁亥^②，戊寅、己卯^③，庚午、辛巳^④，不可尽述。上门乱首，辰来加日而克日，谓之上门乱首，大无礼也，戊寅、己卯^⑤之类。

《订讹》

乱首：干临支被克，为自取乱首。支临干克干，为上门乱首，更兼发用尤的。下为尊上如首，支为卑下如足，卑下无礼作乱，故名乱首。上门乱首发用，又名反常课。

占主少害长，下犯上，家门背逆，不可举事。自取乱首，尊上自失礼，为支所犯，事体稍轻。上门乱首，尊不惹卑，卑下敢来犯上，事体重。自取乱首，事发于内而起于外，兵不利客，亦不宜攻，惟可固守解围。上门乱首，事发于外而起于内，兵不利主，贼来格战，总主来人迟，营寨多有刑伤。若见卯酉后合，主男女讹杂，不分长幼。自取乱首，若四课俱下贼上，不免窝犯丑声，祸自内出。

此课或主祖宗别姓。如将得青龙，来意因幼小不知别籍异居之事，三传年命克制乱我之神，名曰患门救。

附：干临支生支曰偃蹇，泄耗甚也。受生曰俯就，先难后乐也。同类曰培本，比和相助也。

凌犯：^⑥日克辰，乃上凌下，却得下贼上为用；辰克日，乃下犯上，却得上克下为用。互相凌犯，故名凌犯。

占主尊卑不分，君骄臣逆，或主篡弑事。初传官鬼祸尤速。克下外事起，克上内事起。

① 寅加申、辰加酉。

② 巳加子、未加亥。

③ 巳加寅、未加卯。

④ 申加午、戌加巳。

⑤ 寅加戌、卯加未。

⑥ 干克支，下贼上为用；支克干，上克下为用。

乱首课案例

例一：同治丙寅年寅月壬戌日亥时占雇工。乱首，芜淫，回环。

蛇	朱	合	勾									
午	未	申	酉									
贵巳			戌青	虎	空	常	虎	兄	癸亥	空		
后辰			亥空	子	亥	丑	子	兄	子	虎	◎	
卯寅		丑	子	亥	戌	子	壬	官	丑	常	◎◎	
阴玄			常									

正义 正时发用，俱乘天空，子丑又值天空，应主欺诈不实。曰：占雇工以天空为类神，乘日德日禄，其人可用，不得以寻常欺诈称也。初遭夹克，中末逢空，必难成交。

问：自支传干，彼来就我，已成交矣，何空之有？曰：彼非不愿，奈两主相争，即来就我，亦属子虎，盖身不自由也。

问：所争何人？曰：课名不备，是两主争一仆也。干加支而受克。仍传于干上，干上子与丑合，丑为旧太岁，是仍归故主也。

问：前议以干为己，支为人，此又以支为己，干为人，岂不混目乎？曰：论主仆则以干为我者，分也。论新旧则以干为先者，序也。言各有当，自不相混。

问：乱首以下犯上，奴必欺主。曰：类神属亥，是干为奴也。戌支克干，是我克奴，而奴不为我用也。卦主既定，则乱首之说又不必泥。

附议 凡课须识得一象字，如《毕法》云：“夫妻芜淫各有私”，此象也，非死局也。须看所占何事。如占家宅夫妇可断芜淫，若宾主往来交际，亦曰两男争一女乎？

案验 俸已议定，刻日来家。旋因故主不舍，仍归之。

赘婿课

凡课，日干克辰，又自加临为用，曰赘婿课。盖干为夫，支为妻，干克者为妻财。干临支以动就静，如男子婿赘妻家。支临干以静就动，如妇人随男就嫁，此舍己从人，以身入赘，为赘婿。占者凡事不快，寓居于人，身不自由。统“旅”之体，乃为客求财之课。

象曰：“屈意从人，事多牵制。胎孕迟延，行人淹滞。财名可成，病讼未济。兵利为客，先动胜计。”

如日往加辰，干克支，以上取下，男就乎女，利尊长而不利卑幼，宜动而不宜静，用兵利为客，见阵利先动者胜也。若辰来加日，干克支，以小依大，女就于男，卑凌尊而尊长不容，用兵则客反为主，宜他来干我，而我能胜之。更遇天将白虎，主杀伤，勾陈主斗讼，朱雀口舌，螣蛇惊恐。或日用休囚，病人传染不离，则应旅九三“丧其童仆，贞厉”之象。遇天后主恩泽，天乙官长，六合阴私，太常酒食。及日用旺相，凡事谋为可就，则应旅六二“得童仆，贞”之象也。

如甲戌日卯时亥将，用戌加甲，干克支，为赘婿课。

贵	后	阴	玄									
丑	寅	卯	辰									
蛇子			巳常	后	虎	虎	合	财	甲戌	合		
朱亥			午虎	寅	午	午	戌	子	壬午	虎		
戌酉	申	未		午	戌	戌	甲	兄	戌寅	后		
合	勾	青	空									

又如丙申日辰时丑将占，巳加申，干克支，亦为赘婿。

合	勾	青	空									
寅	卯	辰	巳									
朱丑			午虎	合	空	贵	合	兄	巳	空	◎	
蛇子			未常	寅	巳	亥	寅	父	壬寅	合	◎	
亥戌	酉	申		巳	申	寅	丙	官	己亥	贵		
贵	后	阴	玄									

《订讹》

赘婿：^①干为夫，支为妇，干临支以动就静，如男子身赘妻家，俗所谓坐堂婿。支临干，以静就动，如妇人携男就嫁，俗所谓随娘儿。皆舍己从人，以身入赘，故名赘婿。

① 干临支克支，支临干被克，更兼发用尤的。

占主凡事不快，寄居身不自由，乃为客求财之课。屈意从人，事多牵制，孕迟病讼延，行人滞。干临支克支，利尊不利卑，宜动不宜静，兵利客。支临干被干克，卑凌尊而尊上不容，兵亦利客。日用休囚乘凶将，病人传染不脱。日用旺相乘吉将，求望利名可就，将得六合，必主招婿婚姻事也。甲戌日戌临甲，有女子衣服事；甲辰日辰临甲，有斗讼事；乙未日未临乙，有酒食言语事；癸巳日巳临癸，有有争衣服惊恐事；己亥日亥临己，有女子惊逃事；丁酉日酉临丁，有分离事；壬午日午临壬，有田宅相连事；戊子日子临戊，有女子疾病、就人财物事；丙申日申临丙，有言他人事；辛卯日卯临辛，有木器伤财事。

此课干临支克支，惟乘凶死作合、阴，名赘婿。若乘旺相作勾虎，又名残下，甚不利卑小也。皆主仗他人势，事乃可成。支临干，看支神，原受艰难，则为不得已而出，随他人受磨折。如支上原有存处，岂可轻易舍己从人，君子于此，审其可否，则免失身之咎。若支乘脱气，必无正屋可居，终非自立之象矣。二项若中在见救神克日，或年命得神将吉，又名赘婿当权，可任意所为也。

附：支临干生干，曰自在坐享也。受生曰求受，反竭我力也。同类曰壮基，并国相济也。

《观月经》

欲知赘婿卦，将身就妻家。辰往临其日，被克妾称邪。^① 上下相勾引，行年作爪牙。假令正月占，甲戌卯时加。辰来临日上，被子克更无差。^② 此名赘婿卦，仔细自吁嗟。妇人将子嫁，次后没荣华。^③

《心镜》

赘婿日干加克辰，辰来加日制其身。^④ 如男寄于妻家住，若女携男适就人。意欲所为全不肯，心怀不愿抑勒云。凶灾吉庆皆生内，故以天官决事因。^⑤

《袖中金》

乱首赘婿，日往加辰受辰克为乱首，辰来加日被日克为赘婿。上凌其下

① 支临干被克是也。

② 假令甲戌日亥将卯时，一课戌甲，是戌临甲被克发用，是辰临日也。乙丑日亥将寅时占，丑加乙，下贼上亦是赘婿卦也。

③ 此卦将嫁他人男，或随母之子。

④ 今日干加克支辰，辰来加日上被日干克。卑被尊制，尊被卑制，故不自由。

⑤ 正月甲辰日酉时，辰加甲是也。

